

Wěčnu lubosć jedyn sapa,  
 Zalubja so na dušu.  
 A hdyž nowe lětko kłapa,  
 Kak so ma z tej wěčnosću?  
 Kusk falša atd.]

**4. [4. 5.] Prěni swat.**

(Wustupi po wopřestaću rejow.)

Recitativ.

Běše něhdy šibale  
 Pacholo serbowski,  
 A što to spěwaše  
 W korčmičcy spodźiwne?

Spěw. (Narodny hlós.)

Štó to mysli, štó to wěri,  
 Kak so hólčik k rejam ćeri,  
 :: Doma khromy Pěta,  
 Na skakańcy lěta ::

A njej' nihdy, nihdy dosć.

Kajke su to dźiwne kusy,  
 Zo tu w korčmičcy kaž husy  
 :: Hólcy přeco pija,  
 Piwko za lac lija ::

A njej' nihdy, nihdy dosć.

Komu tajki kumšt so dźije,  
 Zo knjez korčmař piwo křćije,  
 :: Z rěki přeco plumpa,  
 Do pičele klumpa ::

A njej' nihdy, nihdy dosć.